



IFMETALL



7 dobrih razloga da budete
član IF-Metall-a



Naravno da se trebate pridružiti!

Pitate se zašto biste se trebali pridružiti ovom sindikatu? Da li to vrijedi ovih nekoliko stotina? Odgovor je da – dobivate puno više nazad kroz sve ono što vam kolektivni ugovor i članstvo pružaju. Kada je nas puno ujedinjeno, možemo pregovarati o pravima i povlasticama koje bismo inače izgubili, a to su stvari koje često uzimamo zdravo za gotovo. Postoji mnogo razloga da se pridružite IF Metall-u. Ovo su neki od najvažnijih:



Fond za osiguranje u slučaju nezaposlenosti i osiguranje prihoda



Možete dobiti naknadu od našeg fonda za osiguranje u slučaju nezaposlenosti ako izgubite posao. Pored toga, u članstvo je uključeno dodatno osiguranje prihoda. Ovdje možete izračunati šta bi osiguranje značilo za vas.

Pošteni uvjeti i dobra plaća

Zahvaljujući našim kolektivnim ugovorima dobivate dobru i poštenu plaću, njena redovna povećanja, razumno radno vrijeme, nadoknadu za prekovremeni rad, dodatak za nepogodno radno vrijeme i skraćenje radnog vremena. Kada završite radni vijek, možete uživati u dodatnoj penziji iz kolektivnog ugovora.



Sigurno radno okruženje

Dobro radno okruženje je važno za sprečavanje nesreća i bolesti. Staramo se o tome da poslodavac poštuje Zakon o radnom okruženju i da postoje povjerenici za sigurnost koji rade u cilju vaše sigurnosti i dobrobiti.



Podrška i pomoć kada su potrebne

Pružamo vam savjete i podršku u slučaju otkaza, rehabilitacije, pregovore o plaćama i još mnogo toga. Ako je potrebno, možete dobiti čak i pravnu pomoć. Također radimo na tome da se možete razvijati u svojoj profesionalnoj ulozi, kako biste imali znanje i vještine koje će biti tražene i u budućnosti.



5

Osigurani i na poslu i u slobodno vrijeme

Možete dobiti naknadu za povrede na radu kao i za nezgode u slobodno vrijeme, a također i kada ste bolesni, putem naših kolektivnih ugovora i osiguranja za članove. Kada ste na roditeljskom odsustvu, možete dobiti i dodatnu naknadu.





Pravo na odlučivanje na poslu

O mnogim važnim pitanjima, poslodavac mora da pregovara s nama u IF Metall-u na radnom mjestu prije nego što se donese odluka. To se, na primjer, može odnositi na promjene radnog vremena i radnih zadataka, ili na to kako će se plaće razvijati i raspoređivati na radnom mjestu. Kao član, možete sudjelovati i utjecati na to.

7



Zajedno smo jaki

Teško je sam se boriti za svoja prava.

Ali niste sami. Imamo 300.000 članova.

Zajedno možemo poboljšati uvjete za sve radnike
u industriji i povećati pravičnost u društvu.


Švedski model

Od kraja 19. vijeka, švedski sindikati su se borili za to da radnici imaju dobre plaće i pristojne radne uvjete. U poređenju s mnogim drugim zemljama, švedski sindikati imaju veliki utjecaj, zahvaljujući činjenici da smo dobro organizirani i da imamo brojno članstvo. To nas čini jakim – toliko jakim da se političari ne moraju previše miješati u naše radne uvjete.

O većini stvari – od radnog vremena i plaća do penzija i osiguranja – pregovaramo mi sami s poslodavcima. To je kolektivni ugovor.

Umjesto toga, političari se mogu fokusirati na naš sistem blagostanja i našu potrebu za obrazovanjem, odnosno na temelj koji nam daje sigurne i kompetentne radnike. Ovo se obično naziva švedskim modelom.

Ovaj model zahtijeva da članova sindikata bude mnogo. Kada smo dobro organizirani i nas mnogo stoji iza zahtjeva, nadalje možemo biti snažan glas i osigurati jake kolektivne ugovore sa poštenim uvjetima i dobrim plaćama.



Koliko to košta?

Članarina zavisi od vaših prihoda. U prosjeku, članarina u IF Metall iznosi 1,55 posto od prihoda. Za članarinu dobivate naknadu za nezaposlenost i osiguranje prihoda ako izgubite posao, plus sve ostalo važno što je navedeno u ovom letku.

Ovako se pridružujete IF Metall-u

Lako je postati član IF Metall-a.

Ako imate BankID, možete sami podnijeti zahtjev za članstvo na **ifmetall.se**.

Razgovarajte slobodno sa sindikalnim predstavnikom na svom radnom mjestu ili kontaktirajte svoju lokalnu IF Metall podružnicu ako vam je potrebna pomoć pri prijavi.

Jednostavno se prijavite pomoću BankID-a.



IFMETALL